

276.

Bericht des Rathes zu Leipzig an Herzog Georg, worin die Ursachen angegeben werden durch welche die Universität in Abnahme gerathen sei. [Zwischen 1509 und 1519.]

Hdschr.: Concept Hauptstaatsarchiv Dresden, Universität, Rathes und andere Händel 1367—1537 loc. 10532
5 fol. 109—114.

Ann.: Der in dem Berichte erwähnte Dr. Hundt starb im J. 1519.

Zum erstenn, dieweyl doctor Haynis, itzundt thumtechant zu Meißenn, auff vor-
trostunge des bischoves unnd cardinals zu Brixenn seliger gedechtnis^{a)} und auff expens
der gantzen universitet zu sein gnaden gefertiget unnd doselbst vier thausent Reynisch
10 gulden erlanget, die er der universitet incorporirt unnd eingeleybet, vonn den zinßenn
szo iherlichenn gefallenn die lectores zu vorsolden, dardurch die studentenn ire lectiones
ane sunderlich darlegenn frey horen mochten, unnd als er sulch vierthausent gulden
erlanget, hat er die der facultet der theologenn zugestelt dermaße, das dieselbige facultet
der theologen hundert gulden iherlich, davon die theologi funffzigk gulden zu zweyen
15 lectionn, die eine doctor Ochßenfardt unnd die ander doctor Hundt habenn, unnd funff
unnd zwentzig gulden zu einer disputacion der sie alle wochenn eyne halden sollenn,
unnd doctor Haynis bruder alleyn, darumb das er inn denselbigenn disputacionibus
propleumata solvirt und presidiret funff unnd zwentzig gulden iherlich habenn sollenn,
unnd die andern hundert gulden vor die artisten vorordent, lectores davon zu be-
20 stellenn, das alles inn derselbigenn theologenn handt steht die auch sulch lectiones an
keynen magistrum ader gar seldenn, dan alleyne die so sich zu irer facultet darinne
promociones zu nehmen vorpflichten mußen, ader der sust inn irer facultet studirt, dor-
durch auch den andern faculteten als den iuristenn unnd medicis ire schuler und redliche
geschickte menner entzcogen werden, darumb auch dieselbigen zwue faculteten inn ein
25 abnehmen reichen mußen.

Sulchs zu vorhuttenn unnd zu vorkommen ist des rathes bedenckenn, szo vonn
dene dreyen facultetenn als der theologenn, iuristenn unnd medicorum von itzlicher
zwene doctores geordenet das die macht hettenn, szo sich ein lectur in artibus vor-
ledigenn wurde, das allßdann dieselbigen sechs doctores einmüttiglich ader ie der mehrer
30 theyl macht haben sollenn sulch lectores auffzunehmenn, unnd dieselbigen darzu zu
bestetigenn solde under den faculteten gutter will gehalten, auch die iungen magistri
ßo sust inn der universitet wennigk enthalts habenn deste freyer inn einer facultet darzu
er geschickt studirenn mochte.

Item so habenn dieselbigenn doctores, licenciatenn unnd andere alle collegia-
35 turen im großen collegio, die doch die bestenn sindt, under sich, außgeschlossen drey,
der die iuristen eyne unnd die medici zwue haben, geben denselbigen zweyen faculteten
was sie wollenn, behaltenn vor sich villeichte vast noch ßo viell, haltenn darneben, wie-
wol sie durch e. f. g. durch die collegiaturen genugßam vorsehenn, domicellen und
knaben, entzcihen dordurch den iungen magistrern die knabenn unnd iren enthalt.